

**585. fundur Sveitarstjórnar Tálknafjarðarhrepps haldinn Strandgötu 38,
fimmtudaginn 20. janúar 2022
og hófst hann kl. 18:00.**

Fundinn sátu:

Ingibjörg Ósk Þórhallsdóttir (IÓÞ), Björgvin Smári Haraldsson (BSH), Jóhann Örn Hreiðarsson (JÖH), Nancy Rut Helgadóttir (NRH), Ingibjörg Jóna Nóadóttir (IJN) og Ólafur Þór Ólafsson (ÓPÓ).

Fundargerð ritaði: Ólafur Þór Ólafsson, Sveitarstjóri

AUKAFUNDUR

Bjarnveig Guðbrandsdóttir, Guðni Ólafsson og Lilja Magnúsdóttir voru forfölluð á fundinum og sátu Nancy Rut Helgadóttir, Ingibjörg Jóna Nóadóttir og Jóhann Örn Hreiðarsson fundinn í þeirra stað.

Ingibjörg Ósk Þórhallsdóttir, Nancy Rut Helgadóttir og Ólafur Þór Ólafsson tóku þátt í fundinum í gegnum fjarfundabúnað.

Þar sem bæði oddviti og varaoddviti voru forfölluð á fundinum setti sá kjörni fulltrúi sem er á að baki lengstu setu í sveitarstjórn, Björgvin S. Haraldsson fundinn, bauð fundarfólk velkomið og athugaði hvort að athugasemdir væru við fundarboðun. Svo var ekki og var fundur 585 þar með lýstur lögmatúr.

Vegna forfalla oddvita og varaoddvita samþykkti sveitarstjórn samhljóða að Björgvin S. Haraldsson fari með hlutverk oddvita á fundinum.

Dagskrá:

1. Úthlutun byggðakvóta 2021 - 2022 - 2112083

Erindi frá Atvinnu- og nýsköpunarráðuneytinu dags. 21.12.2021 þar sem tilkynnt er um fyrirkomulag á úthlutun byggðakvóta til byggðalaga fiskveiðiárið 2021/2022 tekið fyrir að nýju. Eftirfarandi tillaga er lögð fram:

Sveitarstjórn Tálknafjarðarhrepps samþykkir að sótt verði um að settar verði sérreglur um úthlutun byggðakvóta Tálknafjarðar fiskveiðiárið 2021/2022 með sama hætti og gert var fyrir fiskveiðiárin 2019/2020 og 2020/2021, þ.e að fallið verði frá vinnsluskyldu og 50/50-regla látin gilda varðandi veiðireynslu. Með þessu er fallið frá ákvörðun sveitarstjórnar frá 584. fundi hennar sem fór fram 13.01.2022 um að sækja ekki um sérreglur vegna úthlutanar byggðakvóta fyrir fiskveiðiárið 2021/2022.

Engin hefðbundin fiskvinnsla er rekin á Tálknafirði. Því er full ástæða til að falla frá ákvæðum um vinnsluskyldu á þeim afla sem þar er landað sem byggðakvóta og þar með gefa útgerðaraðilum tækifæri til að fá sem best verð fyrir veiddan fisk. Slíkt er líklegt til að efla í senn atvinnu- og mannlíf í byggðalaginu. Jafnframt byggir tillagan á því mati að mikilvægt sé fyrir atvinnulíf á Tálknafirði að sem flestir útgerðaraðilar fái tækifæri til að fá úthlutaðan byggðakvóta og því er lagt til að veiðireynsla frá fyrra ári gildi 50% í úthlutun en 50% skiptist jafnt á þá aðila sem lönduðu í Tálknafjarðarhöfn á síðasta

585. fundur
20.01.2022

fiskveiðiári. Þá er mikilvægt að halda því til haga að tillagan útilokar ekki að útgerð sem landar í Tálknafjarðarhöfn geti gert vinnslusamning við vinnslur í nágrennasveitarfélögum Tálknafjarðarhrepps.

Rétt er að benda á að fordæmi eru fyrir því ráðuneytið hafi samþykkt sérreglur fyrir önnur byggðalög þar sem vinnsluskylda hefur verið felld niður. Þar með ætti að vera ljóst að slíkt hið sama sé hægt að gera á Tálknafirði þar sem engin hefbundin fiskvinnsla er rekin og full rök eru að baki slíku ákvæði. Nýlegt dæmi er sú ákvörðun bæjarstjórnar Akureyrarbæjar að óska eftir því að vinnsluskylda verði felld niður vegna byggðakvóta til Grímseyjar.

Sveitarstjórn samþykkir framlagða tillögu samhljóða.

Starfandi oddviti þakkaði fundarmönnum góðan fund og sleit fundi.
Fleira ekki gert. Fundi slitið kl. 18:30.

Ingibjörg Ósk Þórhallsdóttir (IÓÞ)

Björgvin Smári Haraldsson (BSH)

Jóhann Örn Hreiðarsson (JÖH)

Nancy Rut Helgadóttir (NRH)

Ingibjörg Jóna Nóadóttir (IJN)

Ólafur Þór Ólafsson (ÓÞÓ)